

Kinwaati ki kinga kife ki Pɔɔ tɛ tsɛɛ li Timōti-i Fiee fi nuun lɛ Kinwaati ki Timōti-i ki kinga kife kini

Lɛ kinwaati kini-i, fi nge fiee nuun bentiife bɛ Pɔɔ tɛ nyɛɛ li Timōti-i si wi wu be wu nindi fi-i wu. Wu teeɔ nge kii shɛn yi kanɛ. Wu nyɛɛɔ ntifi li Timōti-i le ni giingi limfwe bɛ nime chee chi nindi li Jiso Krai bɛ shɛn yimumkpaɲ, bɛ le ni kemi nɛɛ ntiife wu chɛɛn wu kii nton wu dzeen bɛ wu nuun lɛ leh wu fichi-i. Wu nyɛɛɔ ntifi tɛ le ni nindi nime chee si wi wu ntiife bɛ wi wu dengi fenjisi jɛ yi Nyɔ bujɔn mɔɔ nɲingi bumfa niɲ le, mɔɔ beniɲ tɛchini wu niɲ le.

Pɔɔ bɔsɔɔ yi wu tee tɛ li Timōti-i le ni nɲingi le kiɲ ni dza lii kimfime li “bitɛchine bi kibere-e bi lɔɔlɔ kɛ” (2:23). Li bieɛ bini bichu-u tɛ kiimi Timōti le dzɔɔ mbosɛ li ntɛ wu we-e.

Bikoo bi bieɛ bi lɛ Kinwaati kini-i

1:1-2 Mbɛɛche

1:3-2:13 Pɔɔ nyɛ kiyɔɔni li Nyɔ-ɔ kii Timōti tuu nkaangi shɛn yee

2:14-4:5 Pɔɔ nyɛ ntifi li Timōti-i

4:6-18 Pɔɔ tee kii yi yee

4:19-22 Kimerise

¹ Ɛ mi Pɔɔ, nnuun nwanɛ nton wu Krai Jiso li kinɲɔngise ki nuun ki Nyɔ-ɔ. Fini biki nkaache wu kii ntɛ wu kimake wu nuun li Krai Jiso-o.

² Ntsɛkɔɔ kinwaati kini li wɛ-ɛ Timōti nwanɛn. Ɔ nuun shɛn yɛn.

Nyɔ Baa bɛ Krai Jiso wu Taa wusɛŋ doonchɛ wɛ shɛŋ yi dzeɛŋ, kɔɔ nshiin bɛ wɛ, nyɛ wɛ mbɛɛŋgii.

Pɔɔ nyɛ kiyɔɔni li Nyɔ-ɔ kii Timōti tuu kaan̄gi shɛŋ yee

³ Mbɛɛ ŋkiimi wɛ mfi kwi butuu bɛ fɛnshaan li nleke li Nyɔ-ɔ wɛŋ ntuu nyɛɛ tɛ kiyɔɔni li Nyɔ-ɔ yi nindi li yi-i fiee tɛ saa mi li shɛŋ kɛ nɛɛ si bɛtaa tɛ nindi.

⁴ Mbɛɛ fɛ ŋkiimi musu mɛ ɔ tɛ shiikisi mfi wu tɛɛ wɛ tɛ tɛ gatɛ, nshɔɔŋ tɛti mi le bee mi ŋɛŋ wɛ, le shɛŋ yɛŋ yiɛ bɛ kinɛɛtine.

⁵ Nti mbɛɛ ŋkiimi tɛ kimbeenche ko ki cheɛŋ ki ɔ kemɛ. Kimbeenche kini tɛ saa ki nuun̄ ki ŋkoko wa wu Loys bɛ na wu Yuni tɛ kemɛ, nse ŋkiiɔ mɛŋine nsin̄ le ɛ ki ki ɔ kemɔɔ dɛɛni.

⁶ Fieɛ fiee fi ŋ'wɛkɔɔ le ŋkimi wɛ le ɔ kaari ɔ kaan̄gi li nya yi Nyɔ yi nuun̄ li wɛ-ɛ, ɔ fokɛ yi, yi ni yi duti li wɛ-ɛ si wi. Nya yini nuun̄ yi ɔ tɛ kemɛ mfi wu ntɛ ŋgɛɛ tsan̄ yɛŋ li wɛ-ɛ.

⁷ Ɔ kɛɛ le Nyɔ ti mɛɛŋ ki nyɛ kɛ fiana li tɛɛben̄ le yi fɛ bee tɛ ni tɛ kemɛ chɛnɛ kɛ. Yi tɛ nyɛ nuun̄ fiana yi bun̄ga bɛ yi kin̄kɔŋgisɛ mɔɔ yi nuun̄ yi fɛ bee tɛ ni tɛ ni bichi lɛ yi yiɛ-ɛŋ.

⁸ Bɛdɛɛni, kiin̄ ɔ ni ɔ nuun̄ bɛ buya li ntefu li bɛniin̄ bamu kii Taa wusɛŋ wu nnindi ncha kii wu kɛ. Se nuun̄ le ɔ dzeti tɛ wa ŋgɛ li nton̄ wu dzeɛŋ wuni bɛ bun̄ga bu Nyɔ nyɛ li wɛ-ɛ.

⁹ Ɛ Nyɔ yi tɛ soo bee, yi teen̄ bee le tɛ ni tɛ tsiin̄ ntɛ wu nuun̄ wu bɛniin̄ bee. Yi tɛ mɛɛŋ ki fɛ kɛ fini kii nime chimu chi tɛ tɛ fɛ kɛ. Tɛ gii nuun̄ kii nache wu yi li bee li, mɔɔ shɛŋ yee yi dzeɛŋ yi tɛ kemɛ li bee li kɛti li Krai Jiso-o nshe mɛɛŋ yi se naa yi bɛchi.

¹⁰ Dεeni, Nyɔ doonche ye shén yee yi dzeen yilu li bee li si Kinsofu kisen ki Krai Jiso be kee le. Wu leeshɔɔ bunɔa bu kwe-e, yi se doonche ntse gbanaa, le wi mɛen ye tuu kwi ke. Yi fe ye fi yene gbanaa nuun be nton wu dzeen.

¹¹ E nton wu dzeen wulu wuni wu Nyɔ buu ye mi le ni nuun wi wu mfenjise be ηwanε nton wu Krai mɔɔ Wi wu Ntiife.

¹² E kii fini fi ηjingi ηge wu ηjingi wuni ni. Se nuun le ηkemi ye buya ke, kife ηkiiɔ wi wu mi ηgeε shén li mwe-ε. Nkiiɔ mɛnine nsin le nuun neε ni bichi le flee fi mi nye li tsán yee li fini,* geeη bo bu jobε chi kimerise-ε

¹³ ɔ biki neε nuun dze yi ntiife yi cheη yi ntè ntifi we lu. Si ɔ biki le gee neε shén nuun li Krai, ɔ kemi te kinɔngise li beniin li, fichu ni fi nuun le dze yi beniin be Krai Jiso-o.

¹⁴ ɔ kemi li ntiife wu cheη li wu be tè nye li tsán ya-a. ɔ bichi be bunɔa bu Fiana yi Waan yi nuun li yi yiε-εη.

¹⁵ ɔ kiiɔ le beniin bechu be le kimbe ki Eesha te too mi. Li kintutu kibeε tè nuun, Figelu be Hemogenes.

¹⁶ Nlekɔɔ li Nyɔ-ɔ le Taa kɔɔ nshiin be yih yi Onesifolu. Ti shiin feti neε li kinga-a li kinga-a shén yeη se dendi. Buya te keeti ye wu kii ncha wu ntè nnuun lu ke.

¹⁷ Tè nuun mfi wu te fesi Lom feni, te bɔseyi gɔɔη mi siin geeη bo si tè ηη mi.

¹⁸ Nlekɔɔ li Nyɔ-ɔ le Taa fe le ke bu jobε chi kimerise-ε, Taa se kɔɔ nshiin be wu. ɔ gbηgɔɔ ɔ kii nime chichu chi tè nindi li mi-i li kiton ki Efeso.

* **1:12** Dεen le, “Nuun neε ni bichi neε le flee fi wu nye li tsán ye-εη fini”,

2

Si nuun Timōti ni gwii li fiee fi Nyɔ-ɔ

¹ Timōti ɲwanɛɲ, li wɛ-ɛ, ɔ lemi mkpaan ɔ tɛɛmi biki shɛɲ yi dzeen yi Krai doonche li wɛ-ɛ.

² Ɔ dzeti fiee fi ɔ ti shiɲ ɔ wuki ntiiti li beniɲ li ɲge limfwe fiɛɛ ɔ giki li tsán yi beniɲ bɛ nuun tsaan bɛ nuun be kɔche le bɛ nuun be ni be fenjisi beniɲ bamu lu tɛ.

³ Ɔ dzeti tɛ wa ɲge si wi wu nchi wu cheɛɲ wu Krai Jiso.

⁴ Wi wu nchi ti bɛɛ ɛ nuun li nime chee li tɛ tuu le lii yi yee li biee bi beniɲ bɛ yee lɛ kɛ, kifɛ fiee fi bichi li fi-i nuun le fɛ fiee fi te kikoo we Kɔɲgisi.

⁵ Ɛ nɛɛ lɛ si wi wu letini ɲgwɛti nuun tɛ naa letɛ le so, fuki fɛ letini biki benchi bɛ ɲgwɛti-i nsin ɛ.

⁶ Wi wu nindi wɛ buɲɔɲ, ɛ wu wu kɛmi le saa mɔɲ fiee lɛ biee bi tɛ tɔyɛ-ɛ linti.

⁷ Beeche kii biee bi ntiiti bini Taa se fɛ ɔ kɛɛ bi bichu.

⁸ Ɔ kiimi Jiso Krai. Tɛ bo li kwe-e. Tɛ gii nuun wi wu li kini ki Mfɔɲ Daafi-i. Ɛ fi fi mfenjisi li nton wɛɲ wu dzeen li.

⁹ Ɛ kii nton wu dzeen wuni wu ɲɲgi ɲge, nnuun li bɛmfangɛ-ɛ si wi wu bonde nchi. Se nuun le, mɔɔ nuun si mi ɲ'wɛ li bɛmfangɛ-ɛ lɛ, jɛ yi Nyɔ nuun yɛ li bɛmfangɛ-ɛ kɛ.

¹⁰ Si fi nuun lɛ, nse ɲkɛndi nɛɛ shɛɲ li fiee fichu-u kii beniɲ bɛ Nyɔ tɛ tsaa, ke be se kɛmɛ tɛ kinsofu li Krai Jiso bɛ bunɔɲa bu kimakɛ.

¹¹ Tefɛ chini nuun nɛɛ cheɛɲ, chi nuun le:
Ɛ tɛ taashe tɛ kwi bɛ wu,
tɛ naa tɛ ni tɛ tsiɲ bɛ wu.

¹² Ɛ tɛ kan shɛɲ,

tε naa tε ni tε sεki bumfɔŋ bε wu.
 Ε tε faaŋ wu,
 naa faaŋ tε bee.

¹³ Ε tε lemi yε mkpaan kε,
 ba nεε ni lemi mkpaan,
 kifε nuuŋ tε faaŋ yi yee kε.

Wi wu nime wu Nyɔ ben

¹⁴ Kimi be biee bini, ɔ tuuɔ tee li bee li Nyɔ-ɔ limfwe le be chikε bε bitεchine kii jε. Bi fi-i yε wi kε. Bi bifisi beniin be yiki bi.

¹⁵ ɔ gwenini nge le ɔ ni ɔ doonchi yi ya le Nyɔ lii si wi wu Nyɔ nŋgi le nuuŋ tsaan. ɔ nuuŋ wi wu nime wu kεmi yε fiee fi buya keeti wu lu kε, mɔɔ wu kεmi chεeŋ wu jε yi Nyɔ le dze yi tsaan li.

¹⁶ ɔ wεti yi li tefe chi kεmi yε fiee fi fεrε bε Nyɔ kε, kifε tefe chilu gii chi fε beniin ni be tsiin ntse wu nuuŋ yε wu Nyɔ wεki kε be giinŋi bε wu bulimfwee.

¹⁷ Bentiife bε bee belu dzeti be nuuŋ si kikati ki jii wi ki yεedi ki kuu. Kintutu ki beniin bε tiifi ntiife wuni nuuŋ Imenayus bε Filitus.

¹⁸ Be chine baa dze yi chεeŋ si be lemi le Mbochu wu li kwe-e dzɔ wε kintsii kituŋ. Si be fε le, be biifi baa kimbeenche ki beniin bamu.

¹⁹ Se nuuŋ le, kimfoo ki nuuŋ ngewu wu Nyɔ, nuuŋ ki tεemi, ki lemi nεε fe. Kimfoo kini nuuŋ ε Nyɔ tsee nkiki we li ki-i wu nuuŋ le, “Taa kii beniin bε nuuŋ bee,” mɔɔ le, “Wi kwikwi wu teenyi bukoon bu Taa le, kεmi le chine mferu biee bibifi.”

²⁰ Li yih yi wi wu nyɔŋa-a, betasa bε beke kε muka mu ti nuuŋ lu ti nuuŋ yε ε bε nache bε bikwa bi gaa kε bi ncherere kwaa kε. Yimi ti nuuŋ ε bε nache bε biti mɔɔ ε bε nache bε chimε. Shó yini nuuŋ yimi

kemi nime chi shaan, yimi se kemi nime chi laalo.
²¹ Nee le, e wi wu buu tsan yee fe biae bi kemi nime chi laalo, ke gii ni nuun si sho yi nuun be ni be dzeti be nindi nime chi shaan le lu. We wi wu Nyɔ fe le ni nuun wi we kitun. We wi wu tengi te kikoo we le ni dzeti wu nindi nime chee chi dzeen chichu lu.

²² Nee le, o kiifi fio biae bi yi nyinini besan li bi-i. O gwenini le o ni o bichi fio nuun le ntse wu tsaan li be le o ni o kemi kimbeenche maa kinkangise be ntse wu mbeengii. O feti le nee si beniin be teenyi te bukoon bu Taa le be shen yibe yi wuuti feti.

²³ Kiin o ni o kemi fiee fi fere be bitechine bi kibere be bi laalo ke, kife bi ti bee nee nuun be ntsoon.

²⁴ Wi wu nime wu Taa se kemi ye le ni tsuki ntsoon be beniin ke. Kemi le ni nuun be shen yi dzeen li wi kwikwi, nuun wi wu kii ntiife beniin, kii te nkanu shen be beniin.

²⁵ Kii si nachi fiee be mbeengii li beniin be techini wu-u. Ti bee nachi le, be mbeech le nuun Nyɔ fi be, be se fiiki shen yibe be kee fiee fi cheen,

²⁶ be tuu be teen bufii bu bee lijin, be kifi be bo li kintasi ki kinkundi-i ki koo be ki feti le be ni be feti nuun fiee fi ki Kengisi.

3

Biae bi koofi yi gii bi ni bi keti bu jobe chi kimerise-

^ε

¹ O kee le, naa nuun li jo yi leji-in, biae bi tsemi gii naa bi ni bi keti nge.

² Beniin gii naa be dza be ni be kangisi nuun yi yibe, be ni be kangisi kwa, be tsakisi yi, be doonchi yi, be yeti je yi bifi kii beniin bamu. Be se te tuu le be ni be wuki beni be bee be tee be bee ke, be te

nyε kiyɔɔni li fiee li kε, be tε kεmε kinge ki wuuti tε kε.

³ Be nuuŋ tε kεmε nshiin li beniin li kε, be tε feeki bidzɔ bi beniin lε kε. Be gii be ni be bifisi mɛŋkoon mε beniin lε, be tε nuuŋ le nuuŋ be kεmε yí yibe kε. Be gii naa be ni be kεmi bingε bi bɛndi yi, be tε kɔɔŋgi fiee fi dzeen kε.

⁴ Be gii naa be ni be lii ntsuun kii beniin, be tsiin ntse wu waniti-i, nuuŋ ε be yisε be yi yi tsakisε. Be gii naa be ni be kɔŋgisi nuuŋ kikuun ki jε yeki fε nuuŋ be ni be kɔŋgisi nuuŋ Nyɔ.

⁵ Be gii be ni be doonchi le be lemi li fiee fi Nyɔ-ɔ, se nuuŋ le be fɛŋgi bunɔa bu fiee fi Nyɔ-ɔ filu. ɔ wɛti yi li ŋwaani beeyε beniin li.

⁶ Beniin bani bamu dengi baa be lii li yih yi beniin li be keti bukεɛŋ bε nuuŋ wεε bε bibifi bi bee yikε be, be njiindi be giki ŋgeen lε biee chichi chichi-i.

⁷ Bani bukεɛŋ nuuŋ bε ti shiin be yiki ntiife mfi kwi, se nuuŋ le be nuuŋ tε naa kεε fiee fi nuuŋ fi chεɛŋ kε.

⁸ Si Janis bee Jambres tɛ fɛŋgi Mɔɔsε, ε nεε lε si beniin bani tɛ fɛŋgi chεɛŋ wu Nyɔ. Nuuŋ beniin bε bufii bubee bu lake, shɛŋ yi be kwenɔgi le be gεε baa li Krai se nuuŋ binsεε.

⁹ Se nuuŋ le be nuuŋ tε fε lε le be gεɛŋ mfiin kε, kifε kibere kibee gii ki yenε gbanaa li beniin bεchu si ki Janis bee Jambres tɛ yenε.

Pɔɔ tifi Timōti le ni lemi li fiee fi be tε tiifi wu lu

¹⁰ Timōti, ɔ wε fio, ɔ kiiɔ kii ntiife wɛŋ kituŋ bε ntsewu wɛŋ mɔɔ fiee fi nti nlekisi bufii li fi-i. ɔ kiiɔ tε kii shɛŋ yi mi ŋgεε li Nyɔ-ɔ bε shɛŋ yi nti

ηκendi, mɔɔ kɪŋkɔŋgɪsɛ ki ηkɛmi li bɛniin li, bɛ si nshiin ηgwɛnini li fiee fichu ηgiingi limfwe.

¹¹ Ɔ kiiɔ tɛ bikaa bi bɛniin tɛ biindi lɛ mi-i jin mɔɔ bɛŋgɛ bɛŋ. Ɔ kiiɔ bieɛ bi tɛ kɛti bɛ mi Antiok bɛ Ikonyon mɔɔ Listra. Ɔ kiiɔ ηwaani bikaa bi bɛniin tɛ biindi lɛ mi-i jin. Se nuun le, li bɛŋgɛ bani bɛchu-u Taa tɛ suuti nɛɛ mi li bee.

¹² Fi nuun chɛɛŋ le wi kwikwi wu wɛki le ni tsiin ntɛ wu Nyɔ wɛki si wi wu taashɛ bɛ Krai Jiso bɛ gii bɛ ni bɛ biindi nɛɛ bikaa lɛ wu-u jin.

¹³ Bɛniin bɛ chɛti bieɛ bɛ bɛniin bɛ nimi-i, kɪŋgɛ kibee gii naa ki fɔ ki ni ki giingi tɛ si bɛ yɛŋgi bɛ bɛniin bamu bɛ yɛŋgi tɛ bɛ yi yibe.

¹⁴ Se nuun le, li wɛ-ɛ, ɔ lemi nɛɛ nuun li fiee fi bɛ tɛ tifi wɛ lu-u, ɔ bɛŋ fi bɛ shɛŋ ya chi. Ɔ lemi li fi-i kɪfɛ ɔ kiiɔ bɛniin bɛ tifi wɛ fi.

¹⁵ Ɔ tɛ bɛchi ɔ kii bieɛ bi bɛ tsɛɛ lɛ Kɪŋwaati ki Nyɔ-ɔ ɔ mɛɛŋ ηwan wu bwi. Bieɛ bini nuun bi nuun bi tifi wɛ ɔ kɛmɛ kinsofu kɛti li shɛŋ yi ɔ gɛɛ li Krai Jiso-o.

¹⁶ Fiee fichu fi bɛ tsɛɛ lɛ Kɪŋwaati ki Nyɔ-ɔ nuun ɛ bufii bulu dza fɛ Nyɔ-ɔ. Fi fi-i li ntiifɛ bɛniin lu-u, fi doonchi chɔ yi wi, fi naanyi bieɛ bɛ bɛniin lɛ, fi tiifi bɛniin ntɛ wu tsaan,

¹⁷ le ke wi wu nuun wi wu Nyɔ ni nuun ɛ wu kɔchɛ, kɛmi fiee fichu fi fɛɛ nɪmɛ chi dzeen chichu lu.

4

Pɔɔ tee Timōti le ni nindi nɪmɛ chee bujɔŋ

¹ Ntiiti fini li wɛ-ɛ Nyɔ limfwe bɛ Krai Jiso wu gii naa saa bɛniin bɛ mɛɛŋ lu mɔɔ bɛ tɛ kwiye. Ntiiti kii mbundine wu gii naa mbunde mɔɔ kii bumfɔŋ bwee ntiiti le,

² ɔ fenjisi jε yi Nyɔ. ɔ fenjisi nεε ɔ giingɪ bε yi, mɔɔ nuunɪ mfi wu tsaanɪ mɔɔ nuunɪ yε mfi wu tsaanɪ kε. ɔ tachi bubieε bu beniinɪ lε, ɔ lekisi be, ɔ kangisi shɛn yibe bε mbεεngii mɔɔ ntiife wa.

³ ɔ kεε le mfi bεεɔ wu beniinɪ nuunɪ tε lenɪ li mfenjise wu tsaanɪ li kε. Bintoonɪ bi bee gii bi ni bi fuu le bi woo nuunɪ fiee fimu fi chichi. Be gii be ni be geendi nuunɪ beniinɪ bε ntiife-ε, bε gii be ni be tiifi be nuunɪ fiee fi be kɔngisi le be woo.

⁴ Be gii be chine η'wowu fiee fi chεεnɪ, be ni be njiindi be giingɪ nuunɪ lε mulonɪ mu nuunɪ yε chεεnɪ kε.

⁵ Se nuunɪ le, li wε-ε, ɔ giki yi ya tsaanɪ mfi kwi, ɔ kɛndi shɛnɪ li bεngε-ε, ɔ nindi nime chi wi wu dengi fenjisi jε yi Nyɔ. ɔ nindi nime cho chi bε nyε li wε-ε chichu.

⁶ Li mi-i, miɔ dεeni si mbiinɪ, mfi kɔchɔɔ kitunɪ wu bε gii bε dzɔɔ mi bε fonɪ si bε ti fundi mbiinɪ lε. Mfi wu ηgii ηkoo kɔchɔɔ kitunɪ.

⁷ Mi ηgwεɔ bugwe bu dzeenɪ li fiee fi Nyɔ-ɔ, mi nletɔɔ ηgweti mi mεeshi, mi ηkεmɔɔ kimbeenche kenɪ mi mba li ki-i.

⁸ Mbεεche li dεeni, bε gεε baa kifɔ kenɪ ki bumfɔ-ɔnɪ ki nuunɪ ki ntse wu tsaanɪ lε. Kifɔ kini kεε ki Taa wu nuunɪ wi wu sɛki bεnsa tsaanɪ gii naa beenɪ li mi-i fa bu jobε chi kimεrise. Se nuunɪ tε beenɪ nuunɪ kenɪ kwaa kε. Gii beenɪ tε ki beniinɪ bechu bε tɛngi le kaari bε.

Pɔɔ tee si bieε bieε le kimbe kee li

⁹ Timōti, gwenε nεε bujɔnɪ le ɔ bake ɔ bε tsεkε le mi-i.

¹⁰ Ǿ kiiǒ le Dema kǒǒngǒǒ bieee bi li nshe bi dɛeni bini, wu chinǒǒ mi wu geeŋ Tɛsalonika. Kresens geeŋǒ Galashan, Taato se geeŋ Dalmatia.

¹¹ Sheǒ nɛɛ Luk wuu mbiin wu wɛ tɛɛ wu. Mfi wuǒ bɛɛ, ǒ dzǒ Mak nɛɛ wu se bɛ. Nuun ni fii mi li nime-ɛ.

¹² Mi ntonǒ Tichiku Efeso.

¹³ Mfi wu ǒ bɛɛ, ǒ dzǒ kinƙon ƙen ki nǒŋa ki ntɛ ƚkiri li yih yi Kapu li kiton ƙi Towa-a. Ǿ bɛɛ tɛ bɛ biŋwaati bien, teege bi bɛ tɛ nache bɛ dzǐ yi nyǎn bieɛ.

¹⁴ Alɛkɛsanda wu tendi gwɛ fɛǒ ƚge bɛ lɛ mi-i nuun yɛ wu didi ƙɛ. Taa gii naa soon wu li ƙinƙe kee li.

¹⁵ Ǿ dzeti tɛ mfi bɛ wu. Fɛŋgǒǒ nton wu tɛ fenjisi wuni ƚge.

¹⁶ Li nsa wu wɛ-ɛŋ, tɛ nuun jobɛ chi ƚkosi chi ntɛ nlen ƚɛ ƚko wu nsa-a, wi tɛ mɛɛŋ mi lejin ƙi len ƙɛ. Beniin bechu tɛ tuu be kifi mi. Kiin Nyǒ ni saa be li fiee yɛ ƙɛ.

¹⁷ Se nuun le, Taa tɛ tuu len ƚɛ mi-i jin, nyɛ mi bunƙa bu fenjise nton wu dzeen lu ƚge le beniin bechu bɛ tɛ nuun yɛ Bejuu ƙɛ woo nton wulu. Nɛɛɛ, tɛ soo mi ƚɛ kimfime ƙi buri-i.

¹⁸ Taa gii ni suuti nɛɛ mi li tsan yi fiee fi bifi-i fichu, nsiin geeŋ bo bɛ mi li bumfɔŋ bwɛɛ bu liboo li nyɛɛkii. Tɛ ni tɛ yǒǒnchi yi mfi kwi ma nsin. Gee fi nuun ƚɛ.

Ben'yeeshe

¹⁹ Yesi Prisilia bɛ Akwila mǒǒ li yih yi Onesifolu.

²⁰ Erastu tɛ she Kɔren, ntɛ nshe Tufimu Miletus gendi.

²¹ Gwene nɛɛ ŋge le ɔ bɛ mfiee yi tɛɛmi se bɛchi. Yubulus tuumɔɔ n'yɛɛshɛ li wɛ-ɛ. Budɛŋ bee Lanɔs mɔɔ Klawda bɛ bɛŋwaanɛŋ bɛɛɛŋ bɛchu li Krai tumi baa tɛ n'yɛɛshɛ.

²² Nlɛkɔɔ le Taa ni bichi lɛ fiana ya-a. Nyɔ doonchɛ yɛ shɛŋ yee yi dzeɛŋ li bɛniɪŋ li.

Sari

Sari: Sari (New Testament+)

copyright © 2024 Wycliffe Bible Translators, Inc.

Language: Sari

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-26

PDF generated using Haiola and XeLaTeX on 25 Apr 2025 from source files dated 26 Apr 2025

0b48302f-d71e-5995-a8f4-98013bf8b3d2